

اكتبني ميت

اكتبني ميت

واوعي المسافة ف بعدنا

تصبح جفا

دا احنا الحقيقة المؤلمة

ف وسط دنيا مزيفة

قلو المسافة ألف ميل

حتما هاتلقى ألف ميت مليون دليل

اكتبني ميت

وارسمني فوق جبين الزمن

خبئ دموعك ف الفرع

بين المواجه والسكات

اطوي شراع الذكريات

احملني فوق كتف الألم

فوق جناح الطير

وقت البراح وسط المحن

او عاك تكون ف يوم جبان

خليك إنسان

افتح لروحك كل البيان

خلي ضميرك يوجعك

يمكن تحس بالأمان

ابني ف قبري وارسمه

وسط الحياة

واكتب عليه سطرين وجع

خليك جدع

اكتب حروف الشعر من حبر السنين

يا دوب بتين فوق الحيطان

يمكن تخلي الموت حياة

أصل الأمل ف الكون مباح

صلي صلاة من غير ركوع

وابدر ف حلمك علي الجراح
تلقى السجون واحة براح
ازرعني شمعته وسط الضلام
واتوضى بدموع الخشوع
خليني شمس منورة عتمه قلوب
يمكن بنات الحور
تحلم تقابل ألف روح
اقفل عليك كل البيبان
واكتبني ميت
وخليك ناسك ف محرابك
أكيد هتلاقي ف الملكوت

صوت رُوحِي بيندهاك

وراكب فوق سفينة نوح

صوت رُوحِي بيندهاك

وراكب فوق سفينة نوح